

გელათში დაცული ჯრუჭის მონასტრის კუთვნილი ნივთ-სამკაულის შესახებ

გელათის მონასტერი საუკუნეების განმავლობაში წარმოადგენდა სრულიად საქართველოს ერთ-ერთ უდიდეს და უმდიდრეს საეკლესიო ნივთ-სამკაულთა განმოსაჯავს. აქ ინახებოდა როგორც ადგილზე შექმნილი და სხვადასხვა პიროვნებების მიერ მონასტრისადმი შემოწირული საოქრომჭედლო ხელოვნების უძვირფასესი ნიმუშები, ასევე საქართველოს სხვადასხვა მხარეებიდან დასაცავად გადმოტანილი უმნიშვნელოვანესი საეკლესიო განძეულობა. ასე აღმოჩნდნენ გელათის მონასტერში დაცულნი ხახულის ღმრთისმშობლისა და აწყურის ღმრთისმშობლის ხატები, ბიჭვინთის ღმრთისმშობლის ხატი და კიდევ მრავალი სხვა სიწმინდე, რომელთაც 1920 წელს ჯრუჭის მონასტრიდან გადმოტანილი ძვირფასი საეკლესიო ნივთები დაემატათ.

1919 წლის 30 ოქტომბერს საქართველოს დემოკრატიულ რესპუბლიკაში შექმნილი მდგომარეობის გათვალისწინებითა და ქუთაისის საეპარქიო საბჭოს ამავე წლის 28 ოქტომბრის №3776 მოხსენების საფუძველზე, „საეკლესიო ძვირფასი და დიდმნიშვნელოვანი ნივთების შენახვის შესახებ“, სრულიად საქართველოს საკათალიკოსო საბჭომ მიიღო უმნიშვნელოვანესი განჩინება, რომელშიც აღნიშნული იყო: „ჯრუჭის, კაცხის ტელიშის მონასტრის ძვირფასი და დიდმნიშვნელოვანი ნივთები მოთავსებულ იქნას დროებით გელათის მონასტერში, წალენჯიხის, კორცხელის და ახალ დაბის (ჭკადუაში) ხობში, ხელთნაწერები, ნაქსოვ-ნაკერები და გარდამოხსნები აღნიშნულ ალაგებიდგან გადმოტანილ იქნას დასაცველად ტფილისის საეკლესიო მუზეუმში, ხოლო მარტვილის მონასტრის სიძველეთა ადგილობრივ დასაცველად გამოთხოვილ იქმნეს ჭყონდის საეპარქიო საბჭოს მიერ დარაჯები“.¹

აღნიშნული განჩინების საფუძველზე 1919 წლის 27 ნოემბერს ქუთაისის საეპარქიო საბჭომ დაადგინა: „ძვირფასი და დიდმნიშვნელოვანი ნივთები ჯრუჭის მონასტრიდან გადმოტანილი იქნეს გაენათის მონასტერში რკინისგზით დარკვეთის სადგურიდან გელათის სადგურამდე, საიდგანაც ურმით ატანილ იქმნან თვით გელათის მონასტერში. ამ ნივთებს ჯრუჭის მონასტერში ცალკე აღწერილობაზე ხელის მოწერის ქვეშ მიიღებს წამოსაღებად ქუთაისის საკათედრო ტაძრის წინამძღვარი დეკანოზი ეასილ დოლაბერიძე, რომელიც აგეთივე აღწერილობაზე ხელწერილ ქვეშ წააბარებს იმ ნივთებს გელათის მონასტრის წინამძღვარს არხიმანდრიტს ნესტორს. ეთხოვოს ადმინისტრაციის ინსპექტორის თანაშემწეს მოახდინოს განკარგულება რათა ეს ნივთები თავისი მხებლებით და მცველებით დაუბრკოლებლად იქმნენ მიღებული რკინისგზის მატარებელში“.²

1920 წლის 30 იანვარს აღნიშნული დადგენილების შესაბამისად გელათის მონასტერში ჩამოტანილი იქნა დასაცავად ჯრუჭის მონასტრის კუთვნილი 47 დასახელების საეკლესიო ნივთი. ჯრუჭის მონასტერი გელათის მსგავსად მდიდარი იყო ძვირფასი ნივთებით, 1906 წლის აღწერის მიხედვით აქ დაცული იყო 60 ხატი (ძირითადად მოოქროვილი ვერცხლისა და ვერცხლის), 15 ვერცხლის კანდელი, 48 სამღვდელმთავრო შესამოსელი, 191 სამღვდელო შესამოსელი (ამ

¹ ქუთაისის ც/ს არქივი. ფ. 21, ს. 28191, ფ. 2

² იქვე, ფ. 7

უკანასკნელით განსაკუთრებით მდიდარი იყო ჯრუჭი), 88 ხელნაწერი და სხვა.¹ ამ დიდი საგანძურიდან გელათში გადმოტანილი იქნა შემდეგი ნივთები (ჩაბარების სია მოგვაქვს უცვლელად):

„1. მომცრო ვერცხლის კოლოფი შუშის კარით სამი განყოფილებით. პირველ განყოფილებაში არის დაცული ბზის ხეზედ ამოჭრილი ხატი, რომელიც არის ოთხად გატეხილი და არის ჩასმული ოქროს ბუდეში, რომელსაც გარშემო აქვს 18 თვალი იაგუნდი და ფირუზები და ერთი მარგალიტი. მეორეში: ჯვარი რომელსაც ქვემო გვერდით არა აქვს საკეტი ღუსმანი, და მესამე ცარიელია.

2. ყოვლად წა-ღთისმშობლის ხატი ხეზე დახატული, რომელიც შემკობილია თხუთმეტი წითელი იაგუნდით, შვიდი ფირუზი, ორი თეთრი იაგუნდით და გარშემო შემოყოლებული აქვს წერილი მარგალიტები რომელიც აცმულია წერილ მართულზე ალაგ-ალაგ გაწყვეტილია და აკლია კიდევ.

3. ვედრების ღთისმშობლის ხატი, სიმაღლით 5 ვერშოკი განი 4 ვერშოკი ოცდაერთი თვალი სხვადასხვა ზომის ფერის და ღირსების.

4. ღთისმშობლის ხატი ხეზედ დახატული გარშემო ვერცხლის არშია უპრობო აქვს, რომელიც შემკულია თერთმეტი მომსხო თელებით და შვიდი მომცრო თლებით.

5. პატარა ღთისმშობლის ხატი რომლის მარჯვნის გვერდით აქვს სანაწილე. სანაწილეში არის პატარა ჯვარი უნაწილო და უთლოთ.

6. პატარა მრგვალი ვერცხლის ჯვარცმის ხატი, ნაწილებით ექვსი განყოფილებით, რომელთაგან ორში ნაწილები ამოღებულია, ხატი შუშით.

7. პატარა ვერცხლის კოლოფი რომლის ზემო პირზე არის ჯვარცმა გამოხატული. ამ კოლოფში არის უმცროსი ვერცხლისავე სადა კოლოფი, კოლოფში არის ჯვარცმის ოქროსი ხატი, რომელიც არის შემკობილი თოთხმეტი ფირუზით, ცამეტი იაგუნდით და ცამეტი წერილ მარგალიტით და ნაწილებით ამ ხატზედ კიდია ოქროს ბეჭედი დიდი ფირუზის თელით, ოთხი პატარა მარგალიტით.

8. ღთისმშობლის ხატი ხეზედ გადაკრული მოოქრული ვერცხლით აქვს ორი მოვერცხლული კარები მოტეხილი, რომელზედაც გამოხატულია მთავარანგელოზები სიმაღლით ხუთ ვერშოკ ნახევარი სიგანით სამნახევარი ხატი შემკულია ორმოცდათექვსმეტი სხვადასხვა თელებით. თელების გარშემო შემოვლილია წერილი და შეათანა ზომის მარგალიტებით. ხატის ზემოთ მოთავსებულია მაცხოვრის ხელთუქმნელი ხატი, რომლის გარშემო შემოვლილია შეათანა ზომის მარგალიტებით.

9. ვერცხლის კანდელი ხუთსანთლიანი რომელთაგან ერთი აკლია, წონით არის (რიე) 166 მისხალი. დასაკიდებელი ერთი გაწყვეტილია ბოლომოცილებულია მარა იმეკონების.

10. ვერცხლის კანდელი ოთხსანთლიანი წონით ასსამოცდაათი (რო) მისხალი, ერთი ძეწკვი აკლია.

11. ვერცხლის კანდელი ოთხსანთლიანი უძეწკვო წონით ოთხმოცდაათი (ქ) მისხალი.

12. ვერცხლის კანდელი ოთხსანთლიანი წონით (ქ.ბ) ოთხმოცდათორმეტი მისხალი უძეწკვო.

13. ვერცხლის ოთხსანთლიანი კანდელი წონით ასოთხი (რ.დ.) მისხალი. უძეწკვო.

14. ვერცხლის კანდელი ოთხსანთლიანი წონით ასოთხი (რ.დ.) მისხალი. უძეწკვო.

¹ იქვე, ს. 22510

15. ვერცხლის კანდელი ოთხსანთლიანი წონით ასორმოცდაოთხი (რ.მ.დ.) მისხალი. ძეწკვით.

16. ვერცხლის პატარა კანდელი ჩუქურთმით და სამი ძეწკვით შუშის ჩასადგმელი.

17. ვერცხლის კანდელი ხუთსანთლიანი ორი ძეწკვით შემოწირული პოლკონიკის გრიგოლ წერეთლის. შემოწირული 1838 წელსა.

18. ვერცხლის კანდელი ხუთსანთლიანი სამი ძეწკვით. იმავე გრიგოლ წერეთლის შემოწირული 1838 წელსა.

19. ტრაპეზის სახარება ორივე გვერდით ვერცხლით მოჭედილი მოოქროვილი, ზედა პირზე არის ოთხი მახარებელი კუთხეებში, ხოლო შუაში ჯოჯოხეთით აღმოყვანება ადამის. შემოწირულია გრიგოლ ზურაბის ძე წერეთლისა.

20. სახარება პატარა ტანის ხელთნაწერი, ვერცხლით მოოქროვილი ყუთში ჩასვენებული ზედაპირზე არის ჯვარცმა, უკანა გვერდზე ადამის ჯოჯოხეთით აღმოყვანება, კამარაზე ოთხი მახარებელი.

21. სახარება პატარა ტანისა ხელთნაწერი ვერცხლის ყუთში ჩასვენებული. ზედა პირზე კუთხეებში მახარებლები. შუაში მაცხოვარი, ღთისმშობელი და იოანე ნათლისმცემელი. უკანა გვერდზედ პავლე, პეტრე, ანდრია და იაკობი. შუაზედ ჯვარცმა შემოწირული დავით მიტროპოლიტისა.

22. სახარება პატარა ტანისა ხელთნაწერი ბოხჩაში ჩადებული და ჩასვენებული ვერცხლის ყუთში. წინა პირზე არის გამოხატული კიდევებში მახარებლები შუაში არის მაცხოვარი, ღთისმშობელი და იოანე ნათლისმცემელი უკანა გვერდზედ კიდევებში პეტრე, პავლე, იაკობ და ანდრია. შუაზედ ჯვარცმა.

23. ტრაპეზის დიდი ჯვარი ვერცხლისა, მხატვრობა რუსული მინანქრებით და შემკული ციბირის ქვებით ზოგან ქვები აკლია შემოწირული თავადი გრიგოლ წერეთლისა.

24. ხის ჯვარი მოოქრული ვერცხლით მოჭედილი ჩუქურთმით გამოხატულება ორივე მხარეზე ათონის ხელობა მხრებზე სამი ბოლო აკლია.

25. ტრაპეზზედ დასადები ხის ჯვარი პატარა ტანისა მოწედილი მოოქრული ვერცხლით, შემკული შეიდი იაგუნდის თვალით მერვე აკლია.

26. პატარა ვერცხლის ჯვარი ტრაპეზის დასასვენებელი მოოქრული შემკულია თექვსმეტი პატარა მარგალიტით.

27. ვერცხლის ჯვარი პატარა ტანისა ტრაპეზზედ დასასვენებელი შიგ ხის მხატვრობა ათონის ხელობა, დანჯღრეული.

28. პატარა ბზის ჯვარი ვერცხლით მოჭედილი რომელსაც აქვს თეთრი და მეორე წითელი თვალი. ტარი მოტეხილი აქვს რომელიც იმეკონების.

29. პატარა ბზის ჯვარი დანჯღრეული ათონის ხელობისა.

30. პატარა ჯვარი მარტორქისა ვერცხლით შეჭედილი ჩუქურთმის ტარით.

31. სამი ხის ჯვარი ათონის ხელობისა, ერთი ამათგანი ბაწრით დამაგრებული.

32. ერთი პატარა სპილენძის ჯვარი უბრალო სურათებით. ჯვარს აქვს სამი ქვა, ერთიც აკლია, მეორე გვერდზედ სანთელია ჩასხმული.

33. პატარა ხის ჯვარი ვერცხლით მოჭედილი დაჯღრეული. ტარი მოტეხილი მაგრამ იმეკონების.

34. დიდი ვერცხლის ბარძიმი მოოქრული გარშემო ჩუქურთმა ხატებით რუსული მინანქრებისა, შემკულნი სხვადასხვა ფერი ციბირის ქვებითა შემოწირული თავად გრიგოლ წერეთლისა.

35. ვერცხლის ბარძიმი შუატანისა, მოოქრული გარშემო მხატვრობით რუსული მინანქრისა.

36. ორი პატარა ვერცხლის ჭურჭელი მდულარებისათვის.

37. პატარა ოქროს ნაწილებიანი ხატი წმინდა დიმიტრისა ვერცხლის ძეწკვით. წინა პირი მინაქრისა შემოწირული გოდაბრელიძისა.

38. ვერცხლის სასაკმეელის ჭურჭელი ბაღდახინი თავზედ.

39. ოქროს პატარა პანაგია შემკული ოცდაექვსი წითელი ქვით და ათი მწვანე ქვით. ბოლოზედ ჩამოკიდებული მტრედისფერი ქვებით. ზედ გამოხატულია სერობა, უძეწკვით.

40. ოქროს პანალია შემკული ორმოცდაათოთხმეტი სხვადასხვა ძვირფასი ქვებით. ზედ გამოხატულია სერობა, უძეწკვით.

41. დიდი ვერცხლის საიაზმე შემოწირული გრიგოლ წერეთლისა თავსახურით.

42. ვერცხლის სანაწილე მოოქრული ვერცხლის ძეწკვით, შიგ ასვენია წმინდანების ნაწილები შემკულია წინა პირზე სხვადასხვა ქვებით. ღთისმშობლის ხატი შემოწირულია მღ-მონა'სონი ბიქტორ გიორგაძისაგან 1839 წ.

43. ვერცხლის წმინდა გიორგის ხატი მომრგვალო უძეწკვით. წინა პირი შემკულია ოცდაერთი სხვადასხვა ფერის ქვებით, უკან ხატი გასახსნულია შიგ ასვენია სხვადასხვა ნაწილები, რომელიც შემოუწირავს მღ-მონა'სონ ბიქტორ გიორგაძეს.

44. ღთისმშობლის ხატი ხეზედ დახატული შეჭკედილი ვერცხლით. უკანა გვერდზედ აქვს სანაწილე ცარიელი. სანაწილის კარებზე არის გამოხატული სამი წმიდანები ზედ წარწერით.

45. პატარა სანაწილე ვერცხლის ხატი. გრიგოლ წერეთლის ნაქონი.

46. სინაზე აცმული ორი პატარა ჯვარი ერთი ოქროსი და მეორე ვერცხლის და ორი ბეჭედი: ერთი ოქროსი წითელი ქვით და მეორე უბრალო მწვანე ქვით, რომელზეც ჩამოკიდებულია პატარა მარგალიტი.

47. ერთი პატარა ვერცხლის ყუთი ორი განყოფილებით და ორი კარებით. დაახლოებით ორი გირვანქაზედ ცოტა მეტი. ამ ყუთში აწყვია ორი ვერცხლის ბალთა ორივე შემკული ხუთი მწვანე თვლებით. სახარების საკეტი ვერცხლისა, ერთი ცალი ოქროსი პატარა ჯვარი შემკული შვიდი ძვირფასი წითელი ქვით, ორი ფირუზით და ოთხი მარგალიტით. ერთი ოქროს ბეჭედი უთვალთ, ვერცხლის ძეწკვის ნაწყვეტი. ჯვარი სახედ მოოქრული, ორდენი ანნას მესამე ხარისხისა; ვერცხლის შანდალი, ერთი პატარა ხატი ვერცხლისა ნაწილებიანი. შემკულია თერთმეტი სხვადასხვა ქვით. შემოწირულია დიმიტრი ამილახვარისაგან, ორი ვერცხლის ბალთა და ორი ვარსკვლავი ვერცხლისა“.⁴

გელათისადმი მიძღვნილ სამეცნიერო ლიტერატურაში დღემდე არაფერია ნათქვამი ამ ნივთების გელათში გადმოტანაზე, მითუმეტეს, მათ შემდგომ ბედზე, არადა ზოგ მათგანს საინტერესო თავგადასავალი გადახდა.

შ. ამირანაშვილის ნაშრომში “საქართველოდან სხვადასხვა დროს გატანილი სამუზეუმო განძეულობა და მისი დაბრუნება“ (თბილისი 1978) ჩემი ყურადღება მიიქცია იმ ნივთებმა, რომლებიც ძმების, მიტროპოლიტ დავითისა და გრიგოლ წერეთლების სახელებს უკავშირდება, ესენია: ნაშრომის საკულტო და საეკლესიო დანიშნულების ნივთების განყოფილებაში მოხსენიებული: №11 ღმრთისმშობლის ხატი, №15 ღმრთისმშობლის ხატი ყრმით ხელში, №143 ბაჯადლო ოქროს მრგვალი პანაგია და №150 ოქროსა და ვერცხლის პანაგია. №159 გრ. წერეთლის ვერცხლის ლამპარი.⁵ საინტერესოა საიდან უნდა მოხვედრილიყვნენ აღნიშნული ნივთები საფრანგეთში და რომელი მონასტრის კუთვნილებას შეადგენდნენ ისინი წერეთლების ნებით. ცნობილია, რომ წერეთლების საგ-

⁴ იქვე, ს. 28191, ფ. 13,14

ვარეულო მონასტერი მე-18 საუკუნიდან იყო ჯრუჭი. სწორედ წერეთლებმა შესწირეს მას დიდი ადგილ-მამულები და ქონება (მათ შორის საეკლესიო ნიეთ-ხამკაულნი – ამას მონასტრის ქონების სხვადასხვა წლების აღწერები ადასტურებენ), სწორედ მას უანდერძა დაეით მიტროპოლიტმა მთელი თავისი ქონება გარდაცვალების შემდეგ, სწორედ მისი წინამძღვრობისას დაემსგავსა ჯრუჭი „პატარა ქალაქს“, ამიტომაც ეჭვს არ იწვევს ზემოთ აღნიშნული ნიეთების (განსაკუთრებით ხატების) ჯრუჭის მონასტრიდან წარმომავლობა (სხვა ვარაუდს გამორიცხავს ისიც, რომ მე-19 საუკუნის იმერეთის არცერთ მონასტერში, რომ არაფერი ეთქვათ აღმოსავლეთ საქართველოს მონასტრებზე, არ დასტურდება დაეით და გრიგოლ წერეთლების შესწირული ნიეთები), მაგრამ როგორ მოხვდნენ ისინი ჯრუჭიდან საფრანგეთში?

ცნობილი ფაქტია, რომ 1921 წლის 21 თებერვალს მენშევიკური მთავრობის მიერ ქუთაისში ჩამოტანილ და იქაურ ხაზინაში დაბინავებულ განძეულობას ადგილზე დახვდა ძვირფასი საეკლესიო ქონება. როგორც უორდანია წერს: „ჯერ კიდევ თბილისური განძისა და სხვა ქონების მიღებამდე, 1920 წლის დამლევს, ქუთაისის ხაზინას შემატებია მეტად ძვირფასი განძეულობა დასავლეთ საქართველოს მონასტერთა საცავეებიდან – მარტვილიდან და გელათიდან. მაგრამ გელათის მონასტრის განძეულობა ჩამოუტანია არაკომპეტენტურ პირს, რომელსაც ძვირფას ნიეთებთან ერთად გელათიდან წამოულია ნაკლებ ღირებულიც“, ამიტომ ეს ნიეთები ქუთაისის ხაზინაში მყოფ ექვთიმე თაყაიშვილს გადაურჩევია და რაც „სამუზეუმოდ უცვნია ყუთებში ჩაულაგებიათ, დაუბეჭდიათ და ვაგსალზე გასაგზავნად გაუმზადებიათ; ხოლო დანარჩენი ქონება ხელწერილით ჩაუბარებიათ მიტროპოლიტ ნაზარის წარმომადგენლისათვის.“⁵ სამუზეუმო ქონება მოუთავსებიათ 19 მომცრო ყუთში. გ. უორდანიას აზრით „აქედან აღბათ ერთი იყო მარტვილის ქონებით დატვირთული, დანარჩენი თვრამეტი – გელათური ქონებით.“⁶

ჩემი აზრით სწორედ „გელათურ ქონებაში“ იდო შემდგომში საფრანგეთიდან დაბრუნებული ზემოთ ხსენებული წერეთლებისეული ნიეთები, რომლებიც აქ, ქუთაისის ხაზინაში 1920 წლის 23 ნოემბერს იქნა ჩამოტანილი გელათის მონასტრიდან ამავე მონასტრის კუთვნილ ქონებასთან ერთად, რაც დასტურდება გასუთ „საქართველოს“ 1920 წლის 10 დეკემბრის ნომერში დაბეჭდილი გელათის მონასტრიდან ქუთაისის ხაზინაში ჩამოტანილი ნიეთების სიით, სადაც გელათის კუთვნილ ნიეთებთან ერთად ჩამოთელილია ჯრუჭის მონასტრისეული ნიეთები, რომლებიც ერთ ყუთში ყოფილა მოთავსებული ოღონდ, თუ გელათში გადმოტანისას აღნიშული ნიეთები 47 დასახელებაში იყო გატარებული (რიცხოობრივად გაცილებით მეტი იყო) ხაზინაში წამოღებისას 30 დასახელებად აღნუსხეს. ჩამოტანილი ნიეთები, როგორც ზემოთ ავლნიშნეთ, გადაარჩია ექვთიმე თაყაიშვილმა, რომლებიც შემდეგ საფრანგეთში აღმოჩნდნენ. საფრანგეთში, რომ ჯრუჭის მონასტრისეული გაცილებით მეტი ნიეთი იქნა გატანილი ვიდრე შ. ამირანაშვილთან აღნიშნული ხუთი წერეთლებისეული ნიეთი, ამას დაბრუნებული საგანძურისა და ჯრუჭის მონასტრის აღწერილობების შემდგომი მეცნიერული შესწავლა დაადასტურებს.

⁵ შ. ამირანაშვილი, საქართველოდან სხვადასხვა დროს გატანილი სამუზეუმო განძეულობა და მისი დაბრუნება, თბ. 1978, გვ. 46, 47, 56

⁶ გ. უორდანია, დაბრუნებული საუნჯე, თბ. 1983, გვ. 43

⁷ იქვე, გვ. 46

Over the centuries, Gelati monastery was one of the largest depositories of the ecclesiastical treasuries in Georgia. It housed not only objects, which were produced locally or donated to Gelati, but also precious icons and crosses (e.g. icon of the Virgin from Khakhuli, icon of the Virgin from Atskuri, etc.) brought to the monastery from all over Georgia. On 30 October 1919, due to the current situation in the Georgian Democratic Republic and based on a report N 3776 of 23 October, of the Kutaisi Patriarchate Council, Catholicos Council of Georgia had taken a decision on temporal removal of objects from Jruchi, Katskhi and Chelishi monasteries to Gelati (simultaneously, objects from Tsalenjikha, Kortskheli and Chkadua Akhaldaba monasteries were taken to Khobi monastery, while manuscripts and tapestry belonging to these three monasteries were brought to Tbilisi Ecclesiastical Museum). Alongside this order, on 27 November 1919, Kutaisi Patriarchate Council had issued an instruction to hand over objects of Jruchi monastery to Nestor, abbot of Gelati monastery, according to the hand over list of objects. Based on this decision, on 20 January 1920, 47 objects were brought to Gelati monastery from Jruchi (as evidenced by the record of 1906, Jruchi monastery had 60 icons, 15 silver chandeliers, 48 vestments for high clergy, 191 vestments for clergy, 88 manuscripts, etc.). As seen from the hand over list, among these were 13 icons, 11 crosses, 10 chandeliers, 4 Gospels, 2 Panagiae, etc., as well as donations of the brothers Grigol and Davit Tsereteli (the latter was a metropolitan). List of ecclesiastical objects taken abroad by the Menshevik Government of Georgia in February 1921, included in Sh. Amiranashvili's book "Museum Treasury Taken from Georgia at Various Periods and Its Return" (Tb., 1978), names objects commissioned by the Tseretelis. It is known that from 18th c. Jruchi was a family monastery of the Tseretelis and their donations were made to this particular monastery and not any other in western or eastern Georgia. Besides, on 23 November 1920, further to the instruction of the Georgian Government, objects belonging to Gelati were housed in Kutaisi Treasury and, as indicated in a publication in the newspaper "Sakartvelo" (10 December 1920), objects belonging to Jruchi monastery were also among them. After this, in Kutaisi, in February 1921, E. Takaishvili had selected objects (18 boxes) to be taken to France from those housed in the Treasury. 5 objects donated to Jruchi monastery by the Tseretelis (in reality they should have been more) mentioned by Sh. Amiranashvili should have been included in these selected objects.